



साःगु भिंगु मरिचरिया नितिं लुमंका दिसै !

लक्ष्मण गजमाल /चिलिमि'
प्रोप्राइटर

लाखा छै
LAKHA CHHEN

सोन्हुष्टे, वडा नं. १६, यै, फोन नं.: ४५६०७५८

नेवाः देय् दबूया च्याक्वःगु तःमुँज्या स्थगित देय् दबूयात असफल यायेत्यंगु द्रुपं

● **लहना संवाददाता**

नेवाः देय् दबूया च्याक्वःगु तःमुँज्या उलेज्या ज्याइवः लिपा हे स्थगित जूगु दु। वंगु शुक्रवाः देय् दबूया संरक्षक नरेश ताम्राकारं उलेज्या यानाः न्ह्याःगु तःमुँज्या बन्द सत्र च्वने मलायेकं स्थगित यायेमाःगु खः। उच्च अदालत यलया न्यायाधीश ऋषि राजभण्डारीया एकल इजलासं तःमुँज्या स्थगित यायेत आदेश बिउगु खः।

नेवाः देय् दबूया पुलांम्ह उपाध्यक्ष प्रकाश पालिखें यै जिल्ला प्रशासन कार्यालययात तकं विपक्षी दयेकाः तःगु उत्प्रेरणया रितय् बहस लिपा उच्च अदालतं तःमुँज्या स्थगन यायेत आदेश बिउगु खः। निवेदकं अन्तरिम आदेश नं जारी यायेत माग याःगु खःसा अदालतं अन्तरिम आदेश धाःसा जारी मयाः।


वङ्गु जेठ १२ गते निर्गुलिं पक्ष लिसे सहलह लिपा अन्तरिम आदेश जारी यायेगु कि मयायेगु धङ्गु निर्णय जुइगु खँ नं उच्च अदालतया आदेशय् धयातःगु दु।

उच्च अदालतया आदेश वःसां नं कावासोती मुपिं देय्-न्यंकया प्रतिनिधितय्सं तःमुँज्यायात निरन्तरता बीमाःगु खँ धाःगु खःसा छम्हाः अन

तःमुँज्या यायेगु वा मयायेगु धङ्गु खँय् विवाद नं जूगु खः। तःमुँज्याय् देय् न्यंकया ६० गू जिल्लाया ५५० मह प्रतिनिधिं ब्वति काःगु खः।

देय् दबूया संस्थापक लिसे पुलांम्ह महासचिव नरेशवीर शाक्यं देय् दबू विधान कथं न्ह्याना मच्चंगुलिं मुद्दा तयेमाःगु खँ धयादीगु दु। वय्कःया कथं थ्व स्वयां न्ह्यः देय् दबूया तःमुँज्या स्थगित यायेत यै जिल्ला प्रशासन कार्यालय निवेदन बियागु खःसा जिल्ला प्रशासन कार्यालयं दबूया अध्यक्षया प्रत्याशीत लिसे सहलह यानाः छुं नं कथंया निर्णय मयायेवं थःपिसं अदालतय् मुद्दा तयागु खँ धयादीगु दु।

उकथं हे वय्कलं देय् दबूया संस्थागत व व्यक्तिगत संस्थापकतय्त



महाधिवेशनय् ब्वति जक काये दङ्गु तर उम्मेदवार जुइगु अधिकारं वञ्चित यायेगु नियमावली दयेकाः ज्या याःगुलिं थःपिं मुद्दा तयेत बाध्य जूगु खँ धयादीगु दु। उकथं हे वय्कलं संस्थापक मखुपित देय् दबूया संरक्षक दयेकेगु ज्या नं विधान अःखः जूगुलिं मुद्दा तयेमाःगु खँ धयादीगु दु।

थ्वहे इवलय् नां कने चाहे मजूम्ह देय् दबूया छम्ह संस्थापक धाःसा देय् दबूया पोखराय् जूगु विधान अधिवेशनं निसैं छपू पुचः देय् दबूया विरुद्ध सक्रिया जुयाच्चंगु खँ धयादीगु दु। वय्कलं थुगु पुचलं धरानय् जूगु अधिवेशन व लिपा वनाः चितवनय् जूगु विधान अधिवेशनय् नं पंगः थनेत स्वःगु खःसा सफल धाःसा मजूम्ह धासैं आः नं वहे प्रवृत्ति दोहोरे जूगु खँ धयादीगु दु।

वय्कलं धयादिल, 'पोखरा अधिवेशन निसैं थौं तक देय् दबूया विधानय् आपालं हिउपाः वयेधुंकल। पुलांगु खँ ज्वनाः मुद्दा तयेगु धङ्गु देय् दबूयात असफल यायेगु कुतः बाहेक मेता मखु।'

अथे ला देय् दबूया उलेज्या ज्याइवलय् न्वायेगु इवलय् संरक्षक नरेश ताम्राकारं देय् दबू विरोधी छपू पुचः दबूयात ध्वस्त यायेत स्वयाच्चंगु धासैं अज्याःपिं विरुद्ध पूर्व मेची निसैं पश्चिम महाकालीया नेवाःत छपू जुयाः प्रतिकार यायेमाःगु खँ धयादीगु खः।

थ्वहे इवलय् देय् दबूया पदाधिकारीतय् याकनं हे मुँज्या च्वनाः आः गुकथं न्ह्याःवनेगु धङ्गु निर्णय ल्यं७ पेजय्

श्री हल्चोक आकाशभैरवया १२ दँया जात्रा

लहना वाःपौ/श्री हल्चोक आकाशभैरवको १२ दँया जात्रा शनिवाः होल्चोय् समापन पुजा यासैं क्वचायेकूगु दु। भैरवया यात्रा वा जात्राया इवलय् मिखा चूलाके मजूम्ह देवीकथं भिनिदँय् लच्छि जक धर्तिइ कुहाँ बिज्याइम्ह आकाश मार्ग न्ह्याइम्ह द्यःकथं थुगु जात्रा न्ह्याकूगु खः।

वैशाख १ गते हल्चोकया द्यःछै न्ह्यःने पञ्चबलिसहित पूजा यानाः न्ह्याःगु जात्राया न्हापांगु दिं राष्ट्रपति रामचन्द्र पौडेल आकाश भैरवलिसैं भिम्ह द्यःपिनि दर्शन यानादीगु खः। लच्छियंकया जात्राय् लखौं श्रद्धालुपिसं थुम्ह द्यःपिनि दर्शन याःगु खः।

वैशाख २ गतेनिसैं न्हिथं

तामिसपाखां हनुमानढोकाय् हाजिर याये धुंकाः कालभैरव न्ह्यःने पञ्चबलिसहित पूजा याःगु खः। १२ दँया जात्राय् लच्छियंकं थीथी थासय् प्याखं न्ह्यब्वयेगु ज्या जूगु खः।

यँयाःबलय् श्री आकाशभैरव, चण्डी र कुमारीया जक प्याखं न्ह्यब्वइगु थुम्ह द्यःया भिनिदँया जात्राय् वय्कःपिनिनिसैं गंगा, महादेव, पार्वती, आकाशदेवी, बाराही, महाकाली व दक्षिणकाली यानाः भिम्ह द्यःपिनि प्याखं न्ह्यब्वःगु खः।

थुगुसी भिनिदँया जात्राया इवलय् केलटोल, मरु, खुसिबुं, हनुमानढोका, असन डबली, दमाई टोल, वतु, चिकंअत, न्यतपाःच्च, ल्यं७ पेजय्

Trendiest Fashion
At Price You Love

ufo the clothing store
#EXPRESSYOURATTITUDE

तांनवःया पासा
कुल्फी व आइसक्रीम
भपिया दिसैँ। **Himalayan Ice**

घौ, दुरु, द्यः, बटर व
क्रिम बजारय् उपलब्ध दु

सूर्यविनायक नगरपालिका, वडा नं. १, सिस्टार धनसार, खप्तड
५४०८६०८७२५, ५४४४६४८३२५



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



सगरमाथा संवाद

नेपाः जलवायु परिवर्तनया नकारात्मक लिच्चः धमाधम सामना यानाच्चंगु व संकटपाखे वनाच्चंगु अन्तर्राष्ट्रिय संघसंस्थाया प्रतिवेदन व स्थानीय अनुभवं क्यनाच्चंगु दु। दकलय् महत्वपूर्ण खँ छु धाःसा नेपाःयात गुगु नकारात्मक लिच्चः व संकट वयाच्चंगु दु उकिया नितिं नेपाः स्वयं तसकं म्हो जक जिम्मेवार खः।

बरु विकसित देय्या विकास मोडल व अनया मनू तय्गु आधुनिक जीवनशैली अप्पो जिम्मेवार जुइ। अन्तर्राष्ट्रिय मञ्चय् नेपाःया मू मुद्दा जुयाच्चंगु जलवायु परिवर्तनयात सगरमाथा सम्बद्धा न्हापांगु संस्करणया मू अवधारणा दयेकेगु सान्दर्भिक खः। बहुसरोकारवाला दबू 'सगरमाथा सम्बद्ध'य् १७५ म्ह विदेशी पाहाँलिसें ३५० म्हेसिनं ब्वति काःगु दु। थ्व इवल्य् शुक्रवाः व शनिवाः १३ ग् अधिवेशन न्ह्याकूगु दु। थ्व हे पृष्ठभूमिइ नेपाल 'जलवायु परिवर्तन, पहाड व मानवताया भविष्य'या मू बिचाःयात केन्द्रीत यानाः शुक्रवाःनिसें आइतबाःतक 'सगरमाथा सम्बद्ध'या ग्वसाः ग्वःगु खः। थुकिं भीगु मू सरोकारया विषयस थप बहस यायेगु, विदेशी पाहाँपाखें अन्तर्राष्ट्रिय सरोकार व समर्थन मुंकेगु, जलवायु परिवर्तनया नकारात्मक लिच्चःयात म्हो यायेत मेमेगु देय् व संगठनलिसे सहकार्ययात बल्लाकेगु सम्भावना अप्वःगु दु।

प्यदँ न्ह्यः 'सगरमाथा संवाद'या तयारी जुगु खः। केपी शर्मा ओली निक्कःगुखुसि प्रधानमन्त्री जूगु २०७६ चैत्र २०-२२ या नितिं तिथि क्वःछ्यूगु खः। तर उगु इलय् कोभिड-१९ महामारीया हुनिं स्थगित याःगु खः। भारतं भूराजनीति, प्रविधि, अर्थतन्त्र, सुरक्षा, जलवायु परिवर्तन थेंज्याःगु थीथी विषययात केन्द्रय् तयाः 'किसमिस संवाद' अथे हे स्वीट्जरल्याण्डय् जूगु दाभोस सम्मेलन, चीनं याःगु बोआओ सम्मेलन थेंज्याःगु थीथी देय्या यक्व चर्चाय् वःगु सम्मेलन नं दु। थुकी गुलिखे संवाद न्ह्याबलें छगू हे क्षेत्रय् केन्द्रित जुइसा गुलिखे दैय्दसं थीथी क्षेत्रय् केन्द्रित जुइ। वइगु दिनय् नेपाः थीथी विषयस केन्द्रीत जुइगु सम्भावना दु।

जलवायु परिवर्तन नेपाःया नितिं छगू महत्वपूर्ण विषय खः। छायाःसा, थुकिया नकारात्मक लिच्चःया लिच्चःकथं, तापक्रम अप्वया वनाच्चंगु दु। पहाडय् च्वापु गलाः हिमपातया पुखूत त्वाःदलीगु खतरापाखें परम्परागत खाद्यान्न उत्पादनया थाय् उच्च उचाइलय् स्थानान्तरण जुयाच्चंगु दु। जनावर व कीतय् बासस्थान नं तजाःगु उचाइलय् वनाच्चंगु दु। थुकिं यानाः कृषि उत्पादन म्हो जुयाः खाद्यान्न असुरक्षा अप्वःगु दु।

ज्याइवल्य् जःलाखःला भारतया वातावरणमन्त्री भुपेन्द्र यादव व चीनया राष्ट्रिय जनकांग्रेसया स्थायी समितिया उपाध्यक्ष जिओ जिया सहभागिता दुगु खः। मेमेगु देय्या अप्वः धइथें मन्त्रीतय्सं ब्वति काःगु दु। थुकिं भीगु कूटनीतिक पहल तसकं कमजोर जूगु पुष्टि याइ।

अथे हे 'सगरमाथा संवाद'यात नं राष्ट्रिय बहस व सहलहया महोत्सव दयेकेत सरकार असफल जुल। थज्याःगु सन्दर्भ ज्याइवःया तयारी कमजोर जूगु क्यं। तर थ्व न्हापांगु ज्याइवः जूगुलिं छुं छुं कमजोरीयात पाठया रुपय् कयाः भिंकेफइ। सगरमाथा संवादया आधार शिविर तयार जूगु दु। छगू बल्लाःगु व प्रभावकारी यात्रां भीत भीगु गन्तव्य थासय् थ्यंकी।

जलवायु परिवर्तनय् व सरकारं म्हितेमाःगु भूमिका



दिलीप शाही "शान्तिचज्जु"

वंगु छुं निहं न्हयव जक नेपालय् जल वायु परिवर्तनयात कयाः 'सगरमाथा सम्बाद' क्वचाःगु दु। विश्वय् अप्वया वनाच्चंगु तापमानया कारणं विश्वया थीथी देशय् थीथी कथंया हिउपाः वयाच्चंगु दु। तर विश्वय् जलवायु परिवर्तनयात कयाः आपालं बहस जुइधुकूसां नं ठोस रुपय् उपलब्धी धाःसा चूलाके फयाच्चंगु मदु। थुकिया मू कारण धइगु हे विश्वया दकलय् तःधंगु देय् तय्सं क्यनाच्चंगु दादागिरी धाःसां छुं पाइ मखु। औद्योगिक राष्ट्रतय्सं उत्पादन यानाच्चंगु विषाक्त कार्बन उत्सर्जनय् कारणं यानाः थौया अवस्था वःगु धकाः धायेमाःगु अवस्था दु। गुकिया लिच्चः कथं देय्या थीथी थासय् च्वंगु च्वापुया पुखू तज्याइगु ज्या जुयाच्चंगु दु। जलवायु परिवर्तनया लिपांगु लिच्चः कथं माःगु स्वयां अप्वः वा वइगु। छक्वलं हे अप्वः वा वयाः तःधंगु नोक्सानी याइगु क्रम विश्वन्यकं अप्वया वनाच्चंगु दु। स्विनगल्य् वंगु असोज महिनाय् वःगु वा नं जलवायु परिवर्तनया कारण खः धइगु खँ प्रमाणित जुयाच्चंगु दु। अभ्र धायेगु खःसा देय्या थीथी थासय् विध्वंस जुइक जुयाच्चंगु खुसिबाः वा चल आदि मू कारण धइगु जलवायु परिवर्तनया लिच्चः खः। जलवायु परिवर्तनया कारणं यानाः थौकन्हय् गुलिखें स्थानीय उत्पादन न्हना वनाच्चंगु दु। गुकिया लिच्चः कथं उत्पादन म्हो जुइगु जुयाच्चंगु दु। थुकथं उत्पादन म्हो जुइगु धइगु बांलाःगु संकेत धाःसा पक्का नं मखु। उत्पादन म्हो जुइगु धइगु विश्वया जनसंख्यायात माक्व अन्न चुमलाइगु समस्या भन जक अप्वया वनिगु खःसा मेखे थीथी कथंया ल्वय् न्यना वनिगु समस्या नं भन जक अप्वया वनिगु सम्भावना नं उलि हे दु।

जलवायु परिवर्तनया कारणं यानाः थीथी समस्यां भीसं फयाच्चनागु दु। विशेष यानाः थ्व प्यदँ न्यादँया दुने अप्वया वनाच्चंगु जलवायु परिवर्तनया कारणं यानाः थीथी कथंया संकटया सामना भीस यानाच्चनागु दु। न्हापा न्यने मदुगु अस्वभाविक रुपय् हिमताल तज्याइगु, हिउँ चलः वनेगु आदि घटना अप्वया वनाच्चंगु दसु खः। सोलखुम्बुया थामे, सिन्धुपाल्चोकया मेलम्ची व इन्द्रावती वःगु खुसिबाः, मनाङ्ग वःगु खुसिबा आदि भीगु न्हयःने दु। उकथं हे स्विनगल्य् नं न्हापा स्वयां बिस्कं कथं खुसिबाः वयेगु यानाच्चंगु दु। गुकिया लिच्चः कथं स्विनगल्य् न्हापा न्हापा गबलें मज्जु कथं भौतिक संरचना नष्ट जुइगु जक मखु जनधनया क्षति जुइगु प्रक्रिया नं अप्वया वनाच्चंगु दु। पनौती न्हापा गबलें मवःगु खुसिबाः थौकन्हय् वयाच्चंगु दु। म्हो ई जक वाः वःसां नं उकिं आपालं लागाय् क्षति यायेगु



जग्गा प्लटिड यायेगु भवल्य् मदयेका छ्वःगु अज्याःगु पहाड केवल पहाड जक मखु धइगु खँयात वेवास्ता याःगु कारणं यानाः गुलिखें लःया मुहान सुना वंगु दु। अज्याःगु पहाड केवल पहाड जक मखु लः भण्डारण यानातइगु पहाड खः।

ज्या जुयाच्चंगु दु। थुकथं जुयाच्चंगु मू कारण धइगु जलवायु परिवर्तनया लिच्चः खः धकाः धायेगु यानाच्चंगु दु। थ्व फुक्कं घटनायात भीसं जलवायु परिवर्तनया कारण खःसा मेता मानवीय कारणं यानाः नं थीथी कथंया घटना अप्वया वनाच्चंगु दु।

विशेष यानाः स्विनगः न्यंकंया पहाडय् थीथी कथं विकास निर्माणया ज्या यायेगु नामय् जुयाच्चंगु प्राकृतिक दोहनया कारणं नं स्विनगल्य् न्हापा स्वयां अप्वः प्राकृतिक समस्या अप्वया वनाच्चंगु दु। स्विनगःया पहाडी लागाय् लाथेपाथे यानाच्चंगु जग्गा प्लटिडया कारणं यानाः छखे प्राकृतिक रुपय् लिच्चः लाकाच्चंगु दुसा मेखे चलः वनेगु आदि ज्या नं जुयाच्चंगु दु। स्विनगः छचाखेरं दुगु पहाड थौ वयाः मदयेधुकल। जग्गा प्लटिड यायेगु इवल्य् मदयेका छ्वःगु अज्याःगु पहाड केवल पहाड जक मखु धइगु खँयात वेवास्ता याःगु कारणं यानाः गुलिखें लःया मुहान सुना वंगु दु। अज्याःगु पहाड केवल पहाड जक मखु लः भण्डारण यानातइगु पहाड खः। तर जग्गा प्लटिड यायेगु इवल्य् अज्याःगु लःया मुहान तर्क ध्वस्त यायेगु ज्या जूगु दु। अज्याःगु पहाड धइगु आपालं धयाथे फिया भण्डार खःसा लःया स्रोत नं खः। तर थौ प्लटिडया कारणं यानाः छखे प्राकृतिक लःया भण्डार मदया वनेधुकूगु दुसा लःया स्रोत नं म्हो जुयाः वनाच्चंगु दु। गुकिया लिच्चः कथं न्हापा स्विनगल्य् म्हो जक गाः म्हुसां लः वइगु खःसा थौकन्हय् तजायेक गाः म्हुसां नं लः मवइगु समस्या अप्वया वनाच्चंगु दु।

थुकथं स्वयेगु खःसा स्विनगल्य् प्राकृतिक समस्या भन जक अप्वया वनीगु समस्या विकराल जुइगु सम्भावना अप्वया वनाच्चंगु दु। स्विनगः बस्ती न्हापा व्यवस्थित रुप विकास जुयाच्चंगु खः। तर आः वयाः स्विनगः लाथेपाथे बस्ती विकास जूगु कारणं यानाः प्राकृतिक समस्या अप्वपया वनाच्चंगु दु। सरकारं बस्ती विकासया नितिं दयेकेमाःगु योजना दयेके मफयेवं छखे कृषि योग्य भूमि थौं कृत्रिमया जंगलय् परिणत जुयाच्चंगु दुसा मेखे अप्वया वनाच्चंगु

जनसंख्याया कारणं यानाः थौं स्विनगः च्वने मजिउगु थाय् कथं विकास जुयाः वनाच्चंगु दु। अभ्र स्विनगः विकासया नामय् भन जक दोहन यायेगु ज्या सरकारं थीथी योजना हयाच्चंगु दु। छखे स्विनगःया जनसंख्या अप्वया थीथी कथंया समस्या फये मालाच्चंगु दुसा मेखे स्विनगल्य् हे थप शहर विकास यायेगु सरकारी योजना दु। थ्व गुगुं नं कथं पार्याछि ज्या पक्का नं मखु। देय्या विकास यायेगु धइगु स्विनगः केन्द्रित विकास मखु धइगु खँ गबलय् तक राजनीतिक पार्टीतय्सं थुइकेगु ज्या याइ मखु उगु इलय् तक प्राकृतिक विकासय् पंगः वइगु स्वभाविक खः।

स्विनगल्य् जुयाच्चंगु थीथी अप्राकृतिक ज्याया लिच्चः हे खः थौकन्हय् स्विनगल्य् अप्वया वनाच्चंगु तापक्रम। न्हापा जूसां स्विनगः न्यंकं नुँ व जंगल दुगु खःसा आः वयाः अज्याःगु जंगलया अवशेष तर्क मदयेधुकूगु दु। जंगलया विनाशया कारणं यानाः स्विनगःया वातावरण हे हिउपाः वयेधुकूगु दु। गुकियात नियन्त्रण यायेगु खःसा थन अप्वया वनाच्चंगु जनसंख्यायात नियन्त्रण यायेगु खः। गबलय् तक स्विनगल्य् लाथेपाथे अप्वया वनाच्चंगु जनसंख्या नियन्त्रण यायेगु ज्या सरकारं याइ मखु उगु इलय् तक स्विनगल्य् अप्वया वनाच्चंगु प्राकृतिक विपत्ति नं नियन्त्रण यायेत थाकुइगु निश्चित दु। उकथं हे स्विनगल्य् अप्वया वनाच्चंगु क्रसर उद्योग व फिया पहाड तछ्यायेगु ज्या जुयाच्चनी उगु इलय् तक स्विनगःया प्राकृतिक विपत्ति निरन्तर जुयाच्चनी। थ्व पाखे सरकार बिचाः यायेमाःगु खः। तर सरकारं बिचाः यानाच्चंगु मदु। सरकारं जलवायु परिवर्तनया बारे चिउताः क्यनाः सम्मेलन याःसां नं देशय् जुयाच्चंगु प्राकृतिक दोहनयात नियन्त्रण यायेगु ज्याय् धाःसा ध्यान बियाच्चंगु मदु। अथेजुयाः प्राकृतिक प्रकोपयात नियन्त्रण यायेगु खःसा दकलय् न्हापां सरकारं यानाच्चंगु प्राकृतिक दोहनयात नियन्त्रण यायेमाः। प्लटिड व प्राकृतिक स्रोतयात नियन्त्रण मयायेगु खःसा ज्याइवः जक यानाः जलवायु परिवर्तनयात पने फइ मखु।

A black and white portrait of a middle-aged man with a mustache, wearing a white dress shirt and a dark, striped tie. He is looking directly at the camera with a neutral expression. The background is a plain, light color.

પ્રેમમાન ડંગોલ

क्वस्वाइम्ह मनूयाके
नहूग कथंया स्फूर्ति
दइ धइगु विश्वास
दु । शुभमंगल
अष्टमंगलयात
बौद्धतय्सं जक मखु
हिन्दूतय्सं नं उतिकं
माने याना वयाच्चंगु
दु । फुकसित
सुस्वास्थ्य, समृद्धि,
सुख शान्ति, दीर्घायु
व चिरकाल पर्यन्त
समृद्धि प्रदान याइगु
शुभमंगलया रुपय्
खादायात कायेगु
याइ ।

बुद्ध ध्वंय्या विषयसं
अजूचायापूगु खँ दु । थौकन्हय् भीसं छ
यला च्वनागु बुद्ध ध्वंय् सुनां दयेकल
धायेबलय् सन् १८८० सं छम्ह अंग्रेजी
पत्रकार कर्णेल हेनरी स्टिल ओलकरं
दयेकूगु खः । दलकय् न्हापा बुद्ध
ध्वंय् ब्वयेकेगु ज्या सन् १८८५ सं



A decorative orange and yellow scarf with a floral pattern, tied in a bow. The scarf is laid out on a light blue background, forming a large, symmetrical bow shape. The pattern on the scarf consists of stylized flowers in shades of red, purple, and green. The fabric appears to have a slight sheen.

श्रीलंकाय् जूगु खः । बुद्ध ध्वाँय् न्याता
रंग दु । वचुगु, म्हासुगु, ह्याउँगु, तुयुगु
व केशरी । थ्व न्यागू रंगया न्यागू हे
विशेषता दु । गथे कि वचुगु रंग शान्ति
व सहानुभूति, म्हासुगु रंग त्याग, ह्याउँगु
रंग धर्म व मर्यादा, तुयुगु रंग शुद्धता व
आत्मशुद्धि व स्वतन्त्रता अले केशरी
रंग बुद्ध ज्ञानया संकेत बियाच्चनी ।
थुकथं बुद्ध ध्वाँय् थीथी विशेषतां
जायाच्चंगलिं आपालं महत्व दु ।



राम प्रजापति
प्रोफ़ाइलर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ०१-५३७२१९९, मो. ९८०३९८०६९९

यहाँ:-

विवाह, व्रतबन्ध, पार्टी, पिकनिक, तथा अन्य शुभ कार्यको लागि अडर अनुसार मिठाईहरू तयार गरिन्छ ।

[illegible]

श्री हलचोक आकाश भैरवया भिनिदँया जात्रा



नात्राया लिपांगु न्हि हनुमानध्वाखा लाय्कुली



मृतात्मापिनिगु लुमन्तिइ यलया मतःया परिक्रमा



डा. विधुप्रकाश कायस्थ

नेवाः बौद्ध धर्मावलम्बीतय् निंतिं दकलय् पवित्र ला कथं कयातःगु नेवाः संवत्स्या न्यागूगु ला गुंलाया न्हापांगु दिंनिसें मतःयाःया तयारी शुरु जुइ। बोगी वनेघु (प्रसाद बिइगु) नांया ज्याभवल्य् चाःःहे लिपा थ्यंमथ्यं सत्छिम्ह मजूया पुचः मुनी, गुकिया लिसें नवबाजं (नेवाः भाय् या परम्परागत संगीत खलः) नं दु ।

प्राचीन यल देसय् दैय्दसं मतःया पर्व न्यायेकी। मतःया धइगु यलय् जक हनीगु विशेष नखः खः। मतःयायात नेकू जात्रा नं धाइ। नेवाः समुदायपिसँ हनीगु थ्व ज्वःमदुगु बौद्ध पर्व यलया चीब्यागु बहाः गल्ली जुयाः वनीगु नुगः क्वसाःगु श्रद्धाज्जली परिक्रमा खः। द्रलँद्वः भक्तजनत १३००(भिस्वस) स्वयां अप्वः चैत्य व मेमेगु पवित्र थासय् वनाः प्रार्थना व श्रद्धाज्जलि बियाः थः पुर्खा व यःपिनिगु आत्मायात सम्मान याइ। श्रावणया कृष्ण पक्षया तृतीय दिं, गाई जात्राया कन्हय् कुन्हु, जः, भक्ति, व सामुदायिक एकताया पर्व, यलया समृद्ध सांस्कृतिक व आध्यात्मिक सम्पदायात न्ह्यब्वइ।

उत्पत्ति व महत्व

“मतःया” खँवः नेपालभाषाया मतः (प्रकाश) व या (पवित्र यात्रा वा पर्व) खँवःपाखें वःगु खः, गुकिं थ्व चकंगु परिक्रमाया मर्मयात कःधानातःगु दु। थ्व नखःयात नेकू जात्रा धकाः नं धायेगु याः। नेकू धइगु नखःया मू बाजं जुयाच्चंगु मेया न्यकूयात धाइसा जात्रा धइगु नखःयात धाइ। यलया भिगू स्थानीय क्षेत्र-मंगलबजार (मणिगः), चक्रबहिल (चक्वाः), इखाल्छें, बुबहाल, हौगल, ओकुबहाल, इखालखु, कोबहाल, सौगल, व नकबहिल पाः पाः यानाः थुगु नखःया ग्वसाः ग्वइ।

नेवाः बौद्ध समुदायया निंतिं मतःया या तःधंगु आध्यात्मिक महत्व दु। थ्व नखःपाखें सीपिनिगु निंतिं पुण्य संकलन यानाः वय्कर्पनिगु आत्मायात शाश्वत शान्ति बीगु विश्वास दु। थ्व परिक्रमा विशेष यानाः नकतिनि थः यःपिं मदुपि परिवारया निंतिं सार्थक जुइ। मतःया य् ब्वति कायेवं मदुम्हेसित सम्मान व मोक्षया लँपुइ यंकीगु विश्वास दु।

छगू किंवदन्ती मतःयाया सांस्कृतिक समृद्धियात अभ्र गहन याइ। बुद्धया इलय् स्वयां छम्ह जुजु व लानिया पशुप्राति बिस्कं दृष्टिकोण दुगु खः। शिकारी जुजु मेय् शृंगाकेतु जुयाः पुनर्जन्म जुगु खःसा दयालु लानी सुलक्षायन जुयाः जन्म जुगु खः। सुलक्षायन उम्ह मेय्यात थः न्हापाया भाःत धकाः म्हसीकाः भक्तिपूर्वक हेरचाह यात। मेय् सीधुकाः वं उकिया अवशेषं छगः देगः दयेकाः शोकपूर्ण सलं पुइकाः जुजुयात सःतल। चमत्कारिक रुपं मेगु छ्यंपाखें जुजुया सः ताल, गुकिं इमिगु अमर बन्धनया पुष्टि यात।



थ्व बाखनय् मतःयामाय् मेया न्हाय्प पुइगु परम्पराया व्याख्या यानातःगु दु, गुकिं म्वानाच्चपिं व मदुपित स्वानाः इमिगु आत्मालिसे संचार यायेफइगु विश्वास याइ।

बोगी वःनेगु

नेवाः बौद्ध धर्मावलम्बीतय् निंतिं दकलय् पवित्र ला कथं कयातःगु नेवाः संवत्स्या न्यागूगु ला गुंलाया न्हापांगु दिंनिसें मतःयाःया तयारी शुरु जुइ। बोगी वनेघु (प्रसाद बिइगु) नांया ज्याइवल्य् चाःःहे लिपा थ्यंमथ्यं सच्छिम्ह मजूया पुचः मुनी, गुकिया लिसें नवबाजं (नेवाः भाय्या परम्परागत संगीत खलः) नं दु। चैत्य व प्राङ्गणयात ह्यांगू रंग, जा, सिक्कां चिं तयाः आध्यात्मिक रुपं लँपु तयार याइ। थुगु सतर्क प्रक्रियां समुदायया नखःचखःया निंतिं समर्पणयात क्यनी। नवबाजा पुचलय् नेकु (मेया सौं), धुलु (सींग), धा (निगू पक्षीय ढोल), ताल, व मुहाली थेंज्याःगु बाजं दु, गुकिं यात्राया लयात्मक व आत्मानुभूतिपूर्ण श्रूयात ताः लाकेगु याइ।

मतःया या दिवस

मतःया यादिं सुर्घः लुकुं बी न्ह्यः हे ग्वसाः खलःया थासय् द्रलँद्वः भक्तजनत मुनि। ३,००० (स्वद्व) निसें ४,००० (प्यद्व) म्हं ब्वति काइगु थ्व परिक्रमा यलया चिब्यागु लँपु जुयाः शहरया प्यंगू मू स्तुप लगनखेलया लगनख्यः थुर, पुल्चोकया पुच थुर, बंगलामुखीया बागमति थुर व ग्वाको थुरयात पार यानाः न्ह्याइ। अप्वः तीर्थयात्रीतय्सं खुल्ला खुल्ला उपवास च्वनाः च्यानाच्चंगु मत, मशाल, धूप ज्वनाः प्रत्येक पवित्र थासय् जा, स्वाँ, धेबा, मिठाई, कपूर, सिंह वा बुद्ध व गुरु रिमोछे थेंज्याःपिं द्यःतयगु

मूर्ति अर्पण याइ। थ्व प्रसाद दैवीय श्रद्धाज्जलि व सीम्हयात लुमंकेगु नितां खः।

गम्भीर उद्देश्य जूसां नं मतःया य् भः भः धायेक नखःचखःया न्ह्याइपुगु वातावरण दु। गुलिखे सहभागीत रंगीन डबल ब्रेस्टेड ट्युनिक, पैन्ट, व हेडब्याण्ड पुनाः ख्यालि ख्यालि, ख्याः व प्याखं ल्हुइ। थुपिं “वें प्याखंम्वःत” व ख्वापाः पुनातःपिं प्याखंम्वःतय्सं दुःख व आनन्दयात ल्वाकछ्यानाः दुःखय् लानाच्चपिन्त मुसुक न्हिलेगु कुतः याइ। परम्परागत संगीतकारतय्सं जीवन्त लय थायेगु याइ, अले मेया क्वँय् या ग्यानापुगु सः सतकय् प्रतिध्वनित जुइ। थ्व मदुपित सःतेगुया प्रतीक खः। दर्शकतय्सं लँपुइ दना भक्तजनतय् ग्वाहालि यानाः लः, (नसा) खाजा, प्राथमिक उपचार यानाः पुण्य कमय् याइ।

सांस्कृतिक व सामाजिक प्रभाव

मतःयाया धार्मिक संस्कार यलया सामुदायिक व सांस्कृतिक जीवनशक्तिया दसू खः। थ्व नखः मिजं, मिसा, ल्यासेल्यायम्ह व मस्तय् छपें यानाः जाति व क्षेत्रीय सीमायात पार यानाः छगू मंकाः कथं आजू पूर्वकी। विहारया रक्षा व नखःचखःयात निरन्तरता बिइत गुथिया महत्वपूर्ण भूमिका दु। क्वबाहा (स्वर्ण मन्दिर) थें जाःगु न्याःगु मू विहार मतःया या केन्द्रविन्दु जुइ, गन पुजारी व समुदायया दुजःतय्सं प्रज्ञा-पारमिता (प्रज्ञाया पूर्णता) धर्मग्रन्थ पाठ याना प्राचीन परम्परायात म्वाकातःगु दु।

थ्व महोत्सवय् यलया वास्तुशिल्प व आध्यात्मिक सम्पदायात नं उजागर यानातःगु दु। थ्व नगरया

प्राचीन देगःयात बौद्ध दर्शनय् विश्वया प्रतीकया रुपय् कायेगु या। मतःया मय् थुपिं पवित्र थाय् परिक्रमा यायेगु धइगु भक्तजनतय् ईश्वरलिसे स्वाइगु ध्यान अभ्यास खः।

हाथ्या व संकल्प

लिपांगु दैय्, कोभिड-१९ महामारिइ मतःया या सामूहिक परिक्रमय् पंगः वःन। सन् २०२० य् परिक्रमा रद्द जुल, अले छुं परिवारं व्यक्तिगत रुपं प्यंगू मू स्तूपया अवलोकन यात। अप्वयाच्चंगु शहरीकरणं यलया खुल्ला थाय्, गथेकि बहाबही (धार्मिक प्राङ्गण)या अस्तित्वयात खतरा ब्वलंकूसां नं थःगु मूर्त व अमूर्त सम्पदा संरक्षणया निंतिं समुदाया समर्पण अभ्र नं बल्लानाच्चंगु दु। गुथि संगठन व स्थानीय पहल परम्परा व आधुनिकता दथुइ सन्तुलन कायम यानाः मतःया या सान्दर्भिकता सुनिश्चित याःगु दु।

मतःया आस्था, समुदाय, व लुमन्तिया बलागु अभिव्यक्ति खः, गुकिं यलया सतकयात मत व सामूहिक भावनां न्ह्यब्वइ। भक्तजनत शहरया पवित्र थासय् परिक्रमा पिकायेगु इवल्य् इमिसं भक्तिया छगू बाँलागु दसु ख, गुकिं विगतयात सम्मान याइ व भविष्यया निंतिं आशा ब्वलंकी। प्राचीन किम्बदन्तिइ आधारित व सामुदायिक कुतःपाखें निरन्तरता बियाच्चंगु गम्भीरता व उत्सवया मिश्रणं थ्व महोत्सवयात यलया सांस्कृतिक पहिचानया आधार दयेकाच्चंगु दु। सहभागी वा स्वकुमिपिनिगु निंतिं मताया धइगु जीवित व मदुपिनिगु दथुइ अमर बन्धनया लुमन्ति खः। ई व स्थानयात पार यानाः आत्मायात अनन्त शान्तिइ यंकीगु जःया यात्रा खः।

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

संसार नेशनल स्टार म्युजिक भिडियो अवार्ड ११४५ क्वचाल



लहना वाःपौ/संसार नेशनल स्टार म्युजिक भिडियो अवार्ड ११४५ वंगु शनिवाः नेपाल प्रज्ञा प्रतिष्ठानय् क्व चाल । वर्ल्ड रेकर्ड तयेगु कथं ग्वसाः ग्वःगु ज्याइवलय् बागमती प्रदेशया श्रम, यातायात लिसे रोजगार मन्त्री प्रेम महर्जन मूपाहां कथं भायादीगु खः ।

ज्याइवलय् च्विमि, निर्देशक व साहित्यकार प्रकाश सायमि, नेपाःया फिल्म ख्यःया कलाकारपिं रविन्द्र खड्का, धिरेन शाक्य, सिमान्त उदास, गायिका देविका बन्दना, गीतकारपिं भुषण खरेल, बुद्ध बीर लामा, साहित्यकार विक्रम भक्त जोशी, नृत्य निर्देशक भुवनदास श्रेष्ठ लगायत विशेष पाहां कथं भायादीगु खः । नेपालभाषा स्टार म्युजिक भिडियो अवार्डय् ३१ विधाय् सच्छि व न्हयनिम्ह सर्जकपिंत अवार्ड लःल्हाःगु खः ।

थ्व अवार्ड हलिमया दकलय्

ताःहाकःगु व अप्वः अवार्ड बिउगु कथं विश्व रेकर्ड गिनिज बुकय् दुथ्याकेगु तयारी जुयाच्चंगु दु । ज्याभ् वलय् नेपालभाषाया म्ये संगीत क्षेत्रय् जीवन पानाः क्रियाशील जुयादीम्ह गायक व संगीतकार रत्न बेहासी वज्राचार्ययात नगद २५ हजार तका लिसे लाइफटाइम अचिभमेन्ट अवार्ड देछाःगु खः ।

अथे हे नेपाली व नेपालभाषाया न्ह्यलुवा कलाकार पवन जोशीयात १५ तका दां लिसें मल्टिमिडिया स्टार अवार्ड देछाःगु खःसा नेपालभाषा म्युजिक भिडियोया न्हापाम्ह निर्देशक विजयरत्न तुलाधर असंबरेयात सम्मान कथं अवार्ड देछाःगु खः ।

यल महानगरपालिका वडा नम्बर १६ या वडा अध्यक्ष निर्मल रत्न शाक्ययात सर्वोत्कृष्ट गीतकार अवार्ड व यँ महानगरपालिका वडा नम्बर १८

या वडाध्यक्ष न्हुच्छेकाजी महर्जनयात गीतकार विधाय् जुरी अवार्ड बिउगु खःसा बागमती सफाई अभियानया अभियन्ता गीतकार बागमती भाई सुन्दरमान श्रेष्ठयात गीतकार विधाय् पिपल्स च्वाइस अवार्ड बिउगु खः ।

थीथी ३१ विधाय् प्रतिस्पर्धात्मक कथं अवार्ड बिउगु ज्याभ्क्वलय् न्ह्यलुवाः कलाकःमिपिं आशाकाजी थकू, कृष्णभक्त महर्जन, संगीता शाक्य, जुगल डंगोल, रामकृष्ण खड्गीयात संसार तेज बहादुर स्मृति अवार्ड देछाःगु खःसा सरस्वती मानन्धर, बुद्ध सायूमि, रवि सायूमि, अनिल तुलाधर, सुरेन्द्र मानन्धर, निशा देशार व विश्वास वज्राचार्ययात संसार सप्तरंगी सम्मान देछागु खः ।

अथे हे ज्याभ्क्वलय् विशेष योगदान सम्मान कथं सोहन मानन्धर, किशोर कुमार शाही, विजय मास्की मगः, सबिना मानन्धर व रुक्साना महर्जनयात हंगु खःसा सामाजिक अभियन्ता राजाराम तण्डुकारयात संसार फेसबुक प्रोफाइल अवार्ड देछाःगु खः । विराजकाजी राजोपाध्याय व प्रमिला सायूमि न्ह्याकूगु ज्याभ्क्वलय् यल वडा नम्बर २१ या वडा अध्यक्ष रविन्द्र महर्जन लसकुस यानादीगु खः ।

सत्यमोहन जोशीया इवाता अनावरण



लहना वाःपौ/वाङ्मय शताब्दी पुरुष नाप संस्कृतिविद् सत्यमोहन जोशीया अर्धकदया इवाता अनावरण याःगु दु । यल महानगरपालिका प्राङ्गणय् जोशीया अर्धकदया इवाता अनावरण याःगु खः । यल महानगरपालिका निर्माण याःगु इवाता जोशीया १०६ क्वःगु बुदिया लसताय्

महानगर प्रमुख चिरिबाबु महर्जन अनावरण याःगु खः ।

२०७९ असोज ३० गते शताब्दी पुरुष सत्यमोहन जोशी १०३ दँया उमेरय् मदुगु खः । जोशीया “इच्छा कथं” व “छँजःया दुजःपिनिगु अनुमतिइ” जोशीया म्हगःयात किस्ट मेडिकल कलेजयात दान याःगु खः ।

नेवाः देय्...

याइगु जूगु दु । तत्काल सचिवालयया बैठकं च्वनाः कानुनी कथं न्ह्याःवनेगु लागि तयारी यायेगु खँ देय् दबूया नायः पवित्र वज्राचार्य कनादीगु दु ।

देय् दबूया नायः पवित्र बज्राचार्य थुगु मुद्दा तये न्ह्यः जिल्ला प्रशासन ज्याकुथिइ सरोकारवाला पक्ष व देय् दबूया ज्यासना पुचःया दथुइ सहलह जुयाः सकतां तयारी जुइधुकूगु अवस्थाय् तःमुँज्या न्ह्याकेत सहमति जूगु खःसां लिपा सिडिओयात तकं विपक्षी दयेकाः मुद्दा दायर जूगु खँ कनादिल । वय्कलं देय् दबूया लिपांगु विधान संशोधनं देय्या राजनीतिक हिउपाःकथं संस्थाया स्वरुपयात नं केन्द्र, प्रदेश, जिल्ला व स्थानिय तहतक विस्तार यायेगु ज्या जूगु व आः संस्थागत सदस्यता जिल्ला तगिमय् जक लाःवंगु खँ तयादिल ।

संस्थापक सदस्यपिसं धाःसा थःपिसं स्वनागु संस्थां थःपिन्त पर्यवेक्षकया रुपय् जक सीमित यानाः अलोकतान्त्रिक दयेकूगु खँय् असन्तुष्टी प्वंकूगु व थुकिया संबोधनया नितीं विधान संशोधन बाहेकया लँपु मदुगु नायः बज्राचार्य कनादीगु दु । थुकिया लिसें मुद्दा तःपिसं संस्थाया वर्तमान विधानया व्यवस्था कथं महाधिवेशनया ६० न्हु न्ह्यः हे सुचं बीमाःगुली सुचं मन्थूगु द्वपं नं बियातःगु दु ।

उलेज्या जुयाच्चव्वं हे उच्च अदालत पाटनया आदेशं दिकूगु

तःमुँज्या आः गुबले जुइ धइगु अन्वौलय् लाःगु दु ।

हल्चोक ...

पहिको त्वाः, ब्रह्मटोल, तामिसपाखा, बुरांख्यः, बहति (सोह्रखुट्टे), मखन, न्हयोखा, भोछें, जैसीदेवल, ढल्को, तामिसपाखा, डल्लु, डल्लु चौतारा, सिद्धार्थ चोकमा श्री आकाशभैरव प्याखं न्ह्यब्वःगु खः । भक्तजनीपसं श्री आकाशभैरव द्यःगणलिसें बाजंखलः व मुस्याःयात यानाः २५ ब्व छानाः दर्शन याःगु खः । जात्राया इवलय् लिपांगु दिं हलचोकय् च्वंगु द्यःछें आकाशभैरव व मेपिं द्यःपिन्त हलचोकय् चाःहिकूगु खःसा अनलिपा पञ्चबलि बियाः जात्रा क्वचायेकूगु खः । हलचोक आकाशभैरव समाजया नायः शेरबहादुर पुतवारं लच्छितक न्ह्याःगु जात्राया इवलय् स्वक्वः अनिवार्य पञ्चबलि बीमाःगु खँ कनादिल । थ्व बाहेक श्रद्धालुपिसं थःपिनि श्रद्धाकथं नं पञ्चबलि पुजा ग्वसाः ग्वय् फुगु वय्कलं कनादिल । थुगु जात्राया नितीं मासंगाःया तेजबहादुर चित्रकारं ख्वाःपाः च्वज्या यानादीगु खः । जात्रा ज्वःछि प्रहरी वृत्त जनसेवा, ट्राफिक प्रहरी वृत्त जनसेवा, महानगरीय प्रहरी बलिपिसं सुरक्षाया व्यवस्था यानाब्यूगु खः । जात्राया इवलय् न्हापांगु दिं हल्चोकय् शार्दुल जङ्ग गुल्म (गुर्जुया पल्टन) लिसें नेपाल आर्मीया ब्याण्डया नं ब्वति दुगु खः ।

सतक विस्तारयात कयाः फम्पीइ सहलह

लहना वाःपौ / फम्पी जुयाः हेटौडा वनेगु लँ तब्या यायेत्यंगु खँयात कयाः सहलह जूगु दु । फम्पी हेटौडा वनेगु लँ जवय् खवय् १२ मिटर यायेगु कथं बागमती प्रदेशयया भौतिक तथा पूर्वाधार मन्त्रालयं तयारी यानाच्चंगु दु । सतक विस्तार पीडित संघर्ष समितिया संयोजक सुमन सायूमि व फम्पीया स्थानीय वासिन्दाया दथुइ जूगु सहलह जूगु खः । सहलहया इवलय् यँ नं हेटौडा वनेगु लँपु अपालं दुगुलिं पुलांगु फम्पीइ लिच्चः लाइ कथं सतक विस्तार याये मजिउगु खँय् सहलह जूगु खँ संयोजक सायूमि ‘नेपालभाषा टाइम्स’ यात कनादीगु दु । वय्कःया कथं थ्व न्हापांगु चरणया सहलह खःसा वयां लिपा याकनं हे लँपु विस्तार यायेधुंकाः प्रभावित जुइपिं स्थानीय जनताया



दथुइ सहलहया तयारी जुयाच्चंगु दु । यदि प्रदेश सरकारं सतक विस्तार यातधाःसा उगु लागय् म्होति नं न्यासः निसें खुसः छँ थुनेमाःगु अवस्था वइगु जानकारी नं संयोजक सायूमि बियादीगु दु । बागमती प्रदेश सरकारं दक्षिणकाली नगरपालिकायात च्वःगु प्रादेशिक सतक यातायात गुरयोजना सतकया वगीकरण

‘राइट अफ वेय्’ बल्खु निसें दक्षिणकाली सतक १५-१५ मिटर, दक्षिणकाली छैमले सतक १५-१५ मिटर व फर्पिङ-हुमाने-फाखेल-कुलेखानी १५-१५ मिटरया जुइगु खँ धाःगु दु । तर उगु सतक खण्डयात कयाः प्रदेश सरकारं निर्णय धाःसा याये ल्यँदनिगु खँ नं पतिइ न्ह्यथनातःगु दु ।

ईश्वरी कर्माचार्यया निगू कृति उलेज्या



लहना वाःपौ/लोमाश वाङ्मय प्रतिष्ठानया ग्वसालय् ज्येष्ठ नागरिक ईश्वरी कर्माचार्यया निगू कृति ‘गंगाजल’ व ‘प्रत्यागत’या विमोचन ज्याइवः जूगु दु ।

ज्याइवलय् मूपाहाँकथं प्राज्ञ परिषद् दुजः लिसें प्रख्यात साहित्यकार

डा. कृष्णराज अधिकारी हरेक च्विमं थःम्हं छाय् च्वयाच्चना, सुया नितीं च्वयाच्चना, गुकथं च्वयाच्चना, छु विधाय् च्वयाच्चना धकाः च्वयेगु सुरु याये न्ह्यः स्पष्ट जुइमाःगु खँ कनादिल ।

कृतियात कयाः टिप्पणी यासें

प्रगतिशील सर्जक व समालोचक डा. हरिप्रसाद सिलवालं कर्माचार्यया ‘प्रत्यागत’ उपन्यासयात खुल्ला रुपं प्रशंसा यानादिल ।

कर्माचार्यया मेगु कृति ‘गंगाजल’यात कयाः चर्चा यासें नागार्जुन साहित्यिक प्रतिष्ठानया नायः लिसें प्रगतिशील साहित्यकार दिल पौडेलं सफुतिइ कःधानातःगु गुलिखे विषयवस्तुं समाजयात भ्रमय् लाकेफुगु खँ कनादिसें मेगु विषयवस्तु पाय्छि जूगु खँ कनादिल ।

लोमाश साहित्यिक प्रतिष्ठानया नायः माधव घिमिरे ‘अटल’ थुगुसी विधा विशेषया रचना वाचन याइगु मासिक ज्याइवलय् ‘प्रतिरोधात्मक सः’ दुथ्याकागु जानकारी बियादीगु दु ।

रञ्जना लिपिं
पिहाँ वयाच्चंगु
रञ्जना लय्पौ
ब्वनादिसँ/ब्वकादिसँ

रञ्जना लिपि

RANJANA LIPi Monthly

प्रचलित नेपाललिपिं पिहाँ वयाच्चंगु
म्हसीका लय्पौ ब्वनादिसँ/ब्वकादिसँ

म्हसीका लय्पौ

MHASIKA Monthly | म्हसीका मासिक

कृतज्ञता देहाना



२०८२ बैशाख १ गतेनिसं ३१ गतेतक न्याःगु

श्री हल्लोक आकाश भैरवया भिनिदंया जात्रा

सभ्य व भव्यकथं न्याकेत

थःथःगु ख्यलं महत्वपूर्ण भूमिका म्हितादीपिं सकसियांप्रति

दुनुगलनिसं कृतज्ञता देहानाचवना ।



द्यः व्वनाः पुजा बियादीपिं

मधिन्र क्लब/प्रदीप्त पुस्तकालय/केलटोल श्री नादयेश्वर डबली व्यवस्थापन समिति

मरुत्वाः पुचः, मरु

केशवलाल श्रेष्ठ, खुसिबुँ

नेपाली सेना, शार्दुल जंग गुल्म (गुर्जुया पल्टन) परिवार

असन सेवा समिति

यें मनपा १५ वडा

यें मनपा ३३ वडा, संयोजक राजु डंगोल

यें मनपा १८ वडा

पहिको युवा क्लब

भैरव पूजा समिति

राजेन्द्र रजक

बुरांस्थः ल्यायम्ह पुचः

कुमारी युवा क्लब/बहति पोखरी युवा समूह

यें मनपा ३४ वडा

मैयाँ श्रेष्ठ

भोर्छे सामुदायिक समाज

जैशीदेवल युथ क्लब

शाही खड्गी समाज, त्वाः छें, १७ वडा

तान्सिपाखा युथ क्लब

भेलु महाद्यः संरक्षण समाज/भेलु महाद्यः बाजं खलः

नव जागृति क्लब

सिद्धार्थ टोल सुधार समिति/सिद्धार्थ महिला समूह

सरस्वती देवी मानन्धर, किमडोल

थीथीकथं ग्वाहालि यानादीपिं

यें महानगरपालिका १७ वडा

यें महानगरपालिका ३० वडा

यें महानगरपालिका ३५ वडा

यें महानगरपालिका ३७ वडा

प्रहरी वृत्त, जनसेवा

ट्राफिक प्रहरी वृत्त, जनसेवा

सशस्त्र प्रहरी बल नेपाल ३४ नं. गुल्म

तेजबहादुर चित्रकार

सबि स्थापित

महानगर प्रहरी बल, काठमाडौं



श्री हल्लोक आकाश भैरव समाज



श्री हल्लोक आकाश भैरवनाथ गुठी

१२३ क्वःगु धर्मादित्य बुदिं हन



लहना वाःपौ/नेवाः पत्रकार राष्ट्रिय दबू यलया ग्वसालय् धर्मादित्य धर्माचार्यया १२३ क्वःगु दँया लसताय् 'धर्मादित्य धर्माचार्य' पत्रकारिता सिरपा बसन्त महर्जनयात देखाःगु दु ।

नेपाःया न्हापांम्ह मातृभाषा पत्रकार धर्मादित्य धर्माचार्यया नामय् नीस्वनातःगु थ्व सिरपाःया दाता समाजसेवी गायिका सरिता महर्जन खः । वय्कलं १५ द्वाःतका दां पत्रकार महर्जनयात लःल्हानादीगु खः ।

पत्रकार दबू यलया नायः मन्जु बज्राचार्यया सभाध्यक्षताय् जूगु उगु ज्याइवः जूगु खः ।

ज्याइवल्य् बौद्ध शिक्षा अध्ययनकर्ता नांजाःम्ह पत्रकार नरेशबीर शाक्यं नेवाः पत्रकारिता ख्यः सच्चिदं क्यंगु लसताय् छगू ज्यापौ नं न्हयब्वयादीगु खः । उगु कार्यपत्रय् माननिय सुरेश किरण मानन्धरं टिपणी यानादीगु खः ।

उगु ज्याभूवल्य् बिशेष पाहाँ कथं पत्रकार दबू केन्द्रया नायः नृपेन्द्रलाल श्रेष्ठ नेपालय् मातृभाषा पत्रिका पिहावःगु १०१ दँ दय् धुंकुगुलि पत्रकार दबूलि थुगुसि मातृभाषा पत्रकारितायात कया थीथी ज्याभूवः यायेगु धका धयादीगु खः ।

मानव बेचबिखनजन्य कार्यहरु

- मानिसलाई भुक्क्याएर बन्धक बनाउने वा दास बनाउने,
- मानिसलाई खरिद विक्री गर्ने र जवरजस्ती काममा लगाउने,
- कुनै प्रकारको फाइदा लिई वा नलिई वेश्यावृत्तिमा लगाउने,
- प्रचलित कानूनविपरीत मानव अङ्ग भिकने वा व्यापारिक प्रयोजनमा खरिद विक्री गर्ने,
- वेश्यागमन गर्ने वा गराउनेजस्ता कार्य मानव बेचबिखन मानिने कार्य हुन् ।

यस्ता कार्य गर्ने गराउने व्यक्तिलाई कानूनबमोजिम कारवाही हुन्छ । त्यस्तो कार्य भए गरेको जानकारी भए नजिकको प्रहरीमा खबर गरौं ।



नेपाल सरकार

विज्ञापन बोर्ड



छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निति, असहायया निति जक निःशुल्क"

उपलब्ध सेवा

२४सी घण्टा सेवा

- इमरजेन्सी
- प्याथोलोजी
- एक्स रे
- ई सी जी
- औषधि पसल
- अन्तरंग सेवा

शल्यक्रिया

- मोतिबिन्दु
- स्तन कर्तरी
- नाक बास घाँटी सम्बन्धि
- हाडतोर्नी तथा नाक सम्बन्धि
- बिना विचकार पिशाच मरीको पक्कर सम्बन्धि

बहिर्गत सेवा

- मुटु रोग
- फेफ रोग
- युरोलोजी
- स्त्री रोग
- बाल रोग
- क्वान्जर रोग
- चर्म रोग
- आँखा रोग
- जनरल मेडिसिन
- चर्म रोग
- नाक कान घाँटी रोग
- जनरल हेल्थ चेक अप
- नाइरोइड
- मधुमेह

मेमेसु सेवा

- टेसिङ
- इण्टेलिक्सीपी
- कोलोनीस्कोपी
- फिजियोथेरापी
- इन्ट्रानाउट्रल स्नर उपकर र इको
- युरोपेली स्नरको इन्ट्रानाउट्रल
- टि.एम.टि. हल्टर



२४ घण्टा
इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९